

La **racoiüda dl refodam da tosser** preodüda por en lönesc, ai 16.11.2020 a San Martin toma fora por gauja de Covid-19; la racoiüda gnará bunamënter tignida a mez dezëmber, le termo avisa vëgn ciamó publiché.

La proscima fin dl'edema (20/21/22 de novëmber) gnará fat te döta la provinzia **tests covid-19** (Antigen Schnelltest). I tests é sön basa volontara, mo al vëgn bele sëgn invié **döta la popolaziun** da tó pert a chësta aziun por ch'al pois gní individué plü avisa coes eventuales d'infeziun. Informaziuns plü avisa can y olache i tests gnará fac, gnará publicades ia por l'edema sön la plata internet dl comun (www.comun.sanmartindetor.bz.it) sot a "news". Chi che se descíaria jö sön le zelular la app "gem2go" (www.gem2go.it) ciafa atira n avis canche la news vëgn metüda ite sön la plata internet.

PLOANIES DASAN MARTIN Y LUNGIARÜ

Incö, 15 de novëmber, tègn la Diozeja la Domënia dla Caritas. Cun la coia é chersciü la meseria te döt le monn y ince te nosta provinzia. Porchël nes präia la Caritas ince nos do n contribut, por podëi ti sporje aiüt a families y porsones tl bojëgn. Propi sëgn messunse se sintí fredesc y sorus - scrí le Vëscö.

Te süa aziun de aiüt "La meseria é plü daimpró coche te mines" nes inviéia la Caritas en chësc ann da s'un tó sura dla jënt vedla che é chëra che patësc le plü te chësc tēmp dla pandemia. Porchël orunse ti sté dlungia le plü ch'ara vá. Chi che ó sostigné la Caritas te so laur é dër bel invia da dé val' pro l'offerta de chësta domënia o cun n contribut sön le cunt bancar:

Raiffeisen Landesbank (IT42F0349311600000300200018)

PLOANIA DA SAN MARTIN

Do 34 agn de sorvisc, da Pasca dl 1986 ala fin de setëmber dl 2020, á Rita Rubatscher Verginer dé jö süa inciaria da monia da San Martin. Te chësc tēmp áa sorví siur Angel Morlang (mez ann), siur Heinrich Perathoner (1 ann), siur Iaco Willeit (18 agn), siur Paul Campey (9 agn), siur Iaco Ploner (5 agn) y da setëmber 2019 inant siur Klaus Sottas y siur Heinrich Perathoner.

Cun la Rita s'un vá tröpa memoria storica de döt ci che á da fá cun la vita dla dlíja de nosc paisc: Rita cunësc vigni piz te dlíja y sacrestia, vigni lada y scafa ..., ara sá avisa ci che vëgn fat ia por l'ann liturgich, coch'al vëgn fat, coch'al gnó fat plü dadí. Rita á lauré dër tröp te dlíja, te süa secunda ciasa, 34 agn alalungia jí a daurí y a saré la porta, ester presënta pro vigni mëssa y funziun, pro vigni bato y vigni sopoltöra, avëi döt arjigné y da tó ca ci ch'an adora al momënt secundo le ritual, tovaies y guanc di sorvidus y dl prou cunciá, lavá y sferiá fora..., agn alalungia áa ince porté ciüfs de so urt por inforní la dlíja. Chisc é i laurs "ascognüs" da monia ch'an ne vëiga nia te n pröm momënt, mo che alda lapró. Ci ch'an vëiga diretamënter dl laur da mone é la presënza y le socodí sò incër alté: y chësc á fat la Rita cun gran finëza y respet por le post incër alté che é por ëra dagnora sté sacher. Cun dignité, nia en pröma fila, mo impó cun düc i fis tla man, por che la liturgia podess se desfiré fora sciöch'al alda.

Stimada Rita, de cör dilan dl bun sorvisc, a inom de döta la comunité! La proca sò da d'alté é inant rresservada por Os.

Na gran fortuna - insciö á dít siur Klaus tran mëssa ai 8 de novëmber - é por San Martin che Hubert Planatscher surantol da sëgn inant ofizialmënter la inciaria da mone, do ch'al á albü bele ti ultims agn tres indò l'ocajun da se lauré ite. Döt le bun a Hubert por süa inciaria cun l'audanza che chësc sorvisc tan nobl ti portes ligrëza y sodesfaziun.

Le Consëi de Cöra cun siur Klaus y siur Heinrich



Plata dles Ploanies San Martin y Lungiarü

siur ploan Klaus Sottas 344 15 54 055 - ksottas@rolmail.net
siur curat Heinrich Perathoner 339 65 74 213
redaziun: anton.gasser@rolmail.net - 348 27 44 517 / 0474 523 194

www.valbadiaonline.it/comunita

15.11 - 22.11.20 nr. 51

33^a DOMËNIA IA POR L'ANN - A

Vangele do Matí 25,14-30

Cun le règn dl cil éra sciöche cun n ël che é jü a fá n iade:

Al á cherdè sü sorvidus y ti á afidé so avëi. A un ti àl dè cin' talënc, a n ater dui, indò a n ater un, a vignun do sües facoltës. Spo s'un é jü. Do cotan de tēmp é le patrún gnü derevers y orò fá cunt cun sü sorvidus. Ai sorvidus che á cialfé deplü talënc y á davagné le dopl lapró ti á le patrún dít: Brau, bun sorvidü fedel! T'es sté n bun aministradü tl püch, i ô te surandé deplü. Vi, tol pert ala ligrëza de to patrún!

Inultima é l'ince gnü le sorvidü, che á cialfé n talënt su, y á dít: Signur, i savô che t'es n'ël sciode; te sójores, olache te n'as nia somenè, y te cöies adöm, olache te n'as nia sternü; deach'í á pôra, ài ascognü to talënt te tera. Chilò l'aste indò. ...

Chilò se tratera dl règn dl cil.

*Ara ne vá nia de suzes,
mo de impëgn y de se tó la bria.*

*I sorvidus lezitënc y fedei ne vëgn
nia laldá por le suzes ch'ai á albü
mo deach'ai s'á porvé y dé da fá.*

*Le stlet sorvidü ne vëgn nia cospeté deach'al n'á albü degun suzes,
mo deach'al é sté massa pisimus y n'á vaghé nia.*

Al n'á nia tut les ocajiuns da desmostré y pratiché l'amur.

DI amur se tratera pordért pro i tröc talënc ch'i un cialfé.

Ti aste orü bun ala jënt dlungia te?

Aste sfruté tû talënc por l'amur? (Image)



EDEMA LITURGICA	SAN MARTIN	LUNGIARÜ	 11 mäs de novëmer periunse do l'intenziun dl Papa <i>che le svilup de roboc y dl'inteliënza eletronica ais por fin le bëgn dl'umanité.</i>  Santa Elisabeta da Thüringen, ch'i festejun ai 19 de novëmer, s'á lascé trá dal ejëmpl de Gejú y ti é jüda do dedican súa vita deplëgn a so sorvisc. Ara é fia dl re dl'Ungaria y é rovada bele da picera tla Wartburg. Cun 14 agn éra deventada fomena dl grof, mo ara é dantadöt imprescionada dai pröms franziscans che é rová a Eisenach. Tla spiritualité de San Francësch se sintíra da ciasa. Don ca dötes sües forzes y döt so avëi s'un tolöra sura dla jënt che n'á tla sozieté da laota degöna lerch, ince sce súa generosité gnö tres plü malodüda da súa parentela. Insciö vëgnel cunté, ch'ara é gnüda abinada ch'ara ti portá adascusc pan ai püri. Da mostré ca ci ch'ara á te cëst, s'á le pan mudé te röses. L'ann 1231, bele cun 24 agn, é chësta éra santa jüda ite tla gloria de Dî, sfinida dai gragn sacrifizi por i püri.
15.11.20 33ª DOMËNIA - ann A <i>De Mondial dla Püra Jënt</i> <i>Domënia dla Caritas</i>	9.00 Corona d'otober 9.30 Gran Mëssa por la Comunità + Luca Schuen por les Animes dl purgatore <i>Oferta por la Caritas</i>	7.55 Corona 8.15 Gran Mëssa por la Comunità de rengraz. de düc i Sanc y de siur Heinrich Videsott <i>Oferta por la Caritas</i>	
16.11.20 Lönesc <i>Margareta, Otmar</i>			
17.11.20 Dedolönesc <i>Florin da Matsch, Gertrud</i>	19.00 Mëssa ++ Prousch, Pinter, Antermëia ++ fam. Carlo Conti y Pia Monti		
18.11.20 Dedemesaledema <i>Segra Basiliches de S. Pire y S. Paul</i>		7.30 Mëssa + Sepl Rives vis y def. dl Sartú	
19.11.20 Jöbia <i>Elisabet da Thüringen, Metilda</i>	7.30 Mëssa + Sepl Flöss d'Arzó + Teodolinda Clara Mühlmann Corona por vocaziuns		
20.11.20 Vëndres <i>Ziprian, Corbinian, Edmund</i>	18.30 Adoraziun chîta 19.00 Adoraziun deboriada	7.30 Mëssa + Ferdinando Clara, Tuscer ++ siur Stachio y suor Lucia Clara	
21.11.20 Sabeda <i>Santa Maria da Ierusalem</i>	17.30 Mëssa prefestia + Florian Terza, Les Ciasas + Martin Moling (dl ann) families de Lois y Stina Clara (60 agn maridá)	19.00 Mëssa prefestia de rengraz. fam. Pio y Emma Clara ++ Iarone y Erwin Rungger + Nando Clara ++ Emma y Hermann Pezzei, Camura	
22.11.20 DOMËNIA DE CRIST RE Festa de Santa Zezilia	9.00 Corona d'otober 9.30 Mëssa solëna por la Comunità en onur de Crist Re en onur de Santa Zezilia por chi che assistësc i püri y i sconsolá	7.55 Corona 8.15 Mëssa solëna por la Comunità a d'intenziun en onú de S.Ojöp Frein.	